



Na osnovu člana 38. Statuta Općine Trnovo („Službene novine Kantona Sarajevo“, broj: 12/08), i člana 3. Pravilnika o stipendiranju učenika i studenata („Službene novine Kantona Sarajevo“, broj 24/25), Općinski načelnik raspisuje:

KONKURS

za stipendiranje učenika i studenata u školskoj/akademskoj 2025/2026.godini

I. PRAVO ZA UČEŠĆE

Pravo učešća na konkursu za dodjelu stipendija imaju redovni učenici srednjih škola i redovni studenti I i II ciklusa studiranja državnih fakulteta, ne stariji od 26 godina, a imaju prebivalište na području općine Trnovo u neprekidnom trajanju od najmanje 12 mjeseci prije objavljivanja javnog pozova i to:

1. učenici srednjih škola sa najmanjom završnom ocjenom 4,5 iz prethodnog razreda, a učenici prvog razreda srednje škole sa najmanjom završnom 4,5 iz IX razreda osnove škole,
2. redovni studenti prve godine studija sa najmanjom ocjenom 4,5 iz završnog razreda srednje škole,
3. redovni studenti druge i narednih godina studija sa prosjekom ocjena iz prethodne godine od najmanje 7 (sedam) i više za fakultete medicinskih i tehničkih nauka, odnosno 8 (osam) i više za ostale fakultete.

Napomena: Redovni učenici i studenti koji nisu navršili 26 godina, a imaju stalno boravište-stalno nastanjeni i putuju s područja općine Trnovo, koji ne ispunjavaju naprijed navedene uvjete, imaju pravo na stipendiju pod jednakim uvjetima kao i učenici i studenti Tačke I. Podtačka 1,2 i 3.

II. BODOVANJE

Stipendije za učenike/studente dodjeljivat će se na osnovu broja bodova koji se utvrđuju za svakog prijavljenog kandidata, prema sljedećim kriterijima:

- bodovi po osnovu rezultata učenja,
- bodovi po osnovu statusa (demobilisani borci, RVI, dobitnici ratnih priznanja),
- bodovi po osnovu socijalnog statusa i
- bodovi po drugim osnovama

III. DOKUMENTACIJA ZA PRIJAVU

Uz prijavu na Konkurs potrebno je priložiti sljedeću dokumentaciju kojom se dokazuje ispunjavanje navedenih kriterija (original ili ovjerena kopija):

1. svjedočanstvo o uspjehu u prethodnoj godini, a za učenike I razreda srednje škole svjedočanstvo o završenom IX razredu osnovne škole,
2. uvjerenje o prosjeku ocjena u prethodnoj akademskoj godini, za studente I godine studija svjedočanstvo završnog razreda srednje škole,
3. dokaz o upisu u tekuću školsku/akademsku godinu,
4. kućnu listu o broju članova zajedničkog domaćinstva,
5. dokaz o ličnim primanjima svih članova zajedničkog domaćinstva: zaposleni – platnu listu ili potvrdu o visini plaće za posljednji mjesec, penzioneri- posljednji ček od penzije, uvjerenje o primanjima po osnovu boračko-invalidske zaštite i zaštite civilnih žrtava rata, nezaposleni- potvrda Zavoda za zapošljavanje, a ako nisu prijavljeni kod Zavoda, uvjerenje Federalnog zavoda PIO/MIO da nisu na evidenciji, potvrdu o redovnom školovanju člana porodice, odnosno rodni list za predškolsko dijete,
6. izjava redovnog učenika ili studenata da ima stalno boravište – stalno nastanjen i putuje s područja općine Trnovo.
7. dokaz da je učenik/student:
 - bez jednog ili oba roditelja, (izvod iz matične knjige umrlih za roditelje),
 - ratni vojni invalid (sa naznačenim procentom invalidnosti),
8. uvjerenje o kretanju
9. izjava učenika/studenta, odnosno roditelja – staratelja ukoliko je učenik maloljetan,

kojom se daje saglasnost da se njegovi lični podaci mogu obrađivati u skladu sa članom 5 .Zakona o zaštiti ličnih podataka, a za potrebe provođenja konkursne procedure,
10. izjava da učenik /student ne prima stipendiju po nekom drugom osnovu,
11. dokaz o tekućem računu, a za maloljetne tekući račun roditelja-staratelja.

IV. OSTALE NAPOMENE

Stipendije se dodjeljuju za jednu redovnu školsku/akademsku godinu i isplaćivat će se 10 mjeseci.

Ukupan broj stipendija koje će se dodijeliti u tekućoj školskoj/akademskoj godini, odredit će prema raspoloživim sredstvima za ovu namjenu, shodno Budžetu za 2026.godinu.

Stipendije se neće dodjeljivati kandidatima koji primaju stipendiju po nekom drugom osnovu, koji su obnovili godinu i apsolventima.

Nepotpune i neblagovremene prijave neće se uzeti u razmatranje .

Provjeru vjerodostojnosti izjave iz tačke 3. podtačke 6. ovog Konkursa, vršit će Komisija za provođenje konkursa. U slučaju davanja lažne izjave poduzimat će se odgovarajući postupci.

Rang lista izabranih kandidata objavit će se na Web stranici i oglasnoj ploči Općine Trnovo.

O konačnim rezultatima konkursa svaki prijavljeni kandidat će biti pismeno obaviješten.

Prijave na Konkurs se podnose u roku od 15 dana od dana objavljivanja konkursa na zvaničnoj Web stranici Općine Trnovo i oglasnoj ploči Općine Trnovo.

Prijavu na Konkurs (koju možete naći na Web stranici Općine Trnovo ili lično preuzeti u šalter sali Općine Trnovo) sa potrebnom dokumentacijom dostaviti lično na protokol Općine Trnovo ili poštom preporučeno na adresu: Općina Trnovo, Trnovo 36, 71223 Trnovo, uz naznaku „Prijava za stipendiju“.

Trnovo, 17.02.2026.godine

Br: 02-34-523

OPĆINSKI NAČELNIK

PO OVLAŠTENJU OPĆINSKOG VIJEĆA

Mirsad Mešić